

## Usahawan Indonesia beri biasiswa RM50 juta

- Oleh UTUSAN MALAYSIA
- 4 April 2023, 4:45 pm



LOW Tuck Kwong (tengah) bersama pelajar UNITEN yang menerima biasiswa tajaan beliau.

**PETALING JAYA:** Usahawan dan dermawan Indonesia, Datuk Low Tuck Kwong memberikan dana biasiswa berjumlah RM50 juta kepada pelajar cemerlang yang kurang berkemampuan untuk melanjutkan pengajian di Universiti Tenaga Nasional (UNITEN).

Naib Canselor UNITEN, Profesor Ir. Dr. Noor Azuan Abu Osman berkata, biasiswa tersebut meliputi bayaran yuran pengajian dan kos sara hidup kepada pelajar tempatan dan Indonesia bagi mengikuti program pengajian prasiswazah dan pasca siswazah di universiti itu.

“Pelajar yang mendapat keputusan cemerlang dalam SPM atau O-Levels dengan sekurang-kurangnya 6A atau CGPA 3.75 dalam STPM, A-Levels, Asasi, International Baccalaureate, pra universiti mahupun matrikulasi boleh memohon untuk dipertimbangkan bagi mendapatkan kemudahan Biasiswa Datuk Low Tuck Kwong,” katanya dalam kenyataan.

Biasiswa itu mula ditawarkan pada 2022 dan sehingga kini, seramai 78 pelajar telah menerima tawaran biasiswa tersebut. – UTUSAN